

Jockey Club UNESCO HK Association  
Global Citizenship Education  
Project Script Writing Competition

Title :《冰落蒼穹盡》

Name of School: Wa Ying College

Names of Participating Students:

林軍

嘉翹

錢愈

吳昕桐

曾綺琪

石銘熹

袁樂天

唐正桓

## 第一場

時間 : 2018年12月1日星期六

地點 : UN總部大樓

人物 : 馬化雲(UN能源公司總裁)

黑喬 (環保團體女記者)

保鑣

南北極基地嘅研究人員

眾記者

「在UN能源公司的記者招待會中, 馬化雲正宣佈他們公司研發了一種新能源以解決現時資源不足的問題。」

(咔嚓咔嚓咔嚓——相機快門聲)

馬化雲 :「.....呢個就是關於我地公司研發能夠拯救地球資源短缺問題嘅新能源。我地希望呢種新能源能夠幫助地球, 減輕地球嘅負擔,維持現有嘅生態平衡。」

(歡呼聲及掌聲)

馬化雲 :「我相信大家心中一定有好多疑問架啦, 跟住落黎就系你地最期待嘅問答環節。大家可以隨便發問。」

(台下吵嘈聲, 記者爭相舉手發問)

(馬化雲指向台下左方)

馬化雲 :「先請紅色衫戴眼鏡嘅記者發問。」

記者A :「你expect呢個計畫幾時可以推行到出黎？」

馬化雲：「我地嘅計畫時刻都準備好，可以隨時推行，主要系睇市民對呢個計畫嘅反應同埋接受程度，我地預計會系未來一年內系少部分地區引入呢個新能源。如果反應理想，預計會系五年內將推行至全球。」

（台下掌聲如雷）

記者B：「咁呢個能源系咪真系100%對地球無害同埋安全？」

馬化雲：「咁又唔好講到咁絕對，我地為呢個計劃進行左數以百萬計嘅試驗。經過不斷嘅改良同優化，呢項能源已經百分之九十九點九……」

（突然，記者黑喬打斷了他的發言。）

黑喬：「你講大話！」

（全場一片安靜和來賓也感到震驚）

黑喬：「咁多位，宜家我手頭上有佢地呢個計劃點樣危害地球同埋污染嘅證據。」

（螢幕突然投影出一堆照片）

（全場譁然）

黑喬：「根據我地日前嘅秘密調查，我地發現佢地將研發新能源嘅污染物排放到北極同南極，並且嚴重污染左呢兩個地方嘅天氣同埋環境狀況。而根據佢地所講，呢個計劃已經進行左五年有多、！！，佢地仲偷偷地將呢個咁嚴重副作用隱瞞，行動背後的目的唔比市民知道，誠信已受質疑。能夠將如此龐大嘅事實隱瞞，當中涉及嘅部門背後又有幾多，大家心知肚明大家仲覺得佢信得過咩！睇完呢D種種污染真系仍然可以好似你所講嘅安全同埋環保？你唔好再喺度妖言惑眾啦！」

（馬化雲被質問得啞口無言）

記者A：「馬生，系咪真系好似佢所講甘？」

（台下一片混亂）

（這個時候，保鑣走上前，在馬化雲耳邊說了幾句話。馬化雲從一開始的手足無措變成胸有成足）

馬化雲：「在大家判斷呢件事對與錯之前，我想比大家睇D野。為左澄清我們呢個研究系對環保百利而無一害，我地宜家會即刻向系南極基地嘅研究人員發出即時視像通話。比大家睇下我地嘅研究情況。請大家稍安無燥，因為真相會馬上揭曉。」

(保鏢撥通視像通話, 遞給了馬化雲。)

(馬化雲向研究人員說。)

馬化雲 :「請你地宜家即刻去影下我地嘅研究系統, 俾大家睇下我地嘅研究有無危害環境。」

(鏡頭轉向基地)

(研究員先錯愕了一下然後馬上保持微笑, 再向旁邊的同事竊竊私語了一下並拿著通話中的手機向前走)

研究員 :「各位傳媒朋友大家好, 宜家就等我帶大家去參觀一下我哋嘅系統同埋介紹一下我哋嘅系統畀大家知啦。」

(研究員指向左邊然後對著鏡頭說)

研究員 :「大家宜家睇到嘅就係我哋研究咗五年終於成功研發嘅超強零污染處理器, 我哋成個系統所排放出嚟嘅廢物將會經過呢度轉化成為清新空氣, 我哋研發呢一個系統都係為咗配合番我哋公司嘅環保政策, 希望為環保出一分力。」

(馬化雲向保鏢做了一個手勢然後保鏢向前關掉了通話, 然後馬化雲轉身面向記者方向)

馬化雲 :「各位記者朋友相信大家宜家對我哋個系統運作都非常清楚, 我哋公司推行呢一個計劃都係想為環保出一分力, 並唔會好似人地所講, 用破壞環境嘅方法去賺錢。」

(台下眾人突然全部站立鼓掌)

記者A :「嘩! 馬先生真係一個好人呀! 估唔到係現今呢個咁殘酷嘅世界入面居然仲會有人關心地球環境, 我真係好感動呀。」

(眾記者全部附和)

眾記者 :「係囉! 係囉!」

黑喬 :「咁多位咁大嘅大話點解你哋咁都信! 世界上邊有一種機器係唔會排放廢氣, 唔會影響地球嘅環境, 大家要諗清楚呀!」

記者B :「咁你又點樣解釋啱啱嘅視頻畫面呀!」

記者A :「咪係囉點解釋呀! 你唔瞭解清楚就系度亂講, 呢啲叫做誣衊同詆毀啊, 告你上庭詆毀都可以啊!」

黑喬 :「我..... 我.....我.....」

記者C :「一於咁話啦, 馬先生為環境貢獻咁多, 誣蔑邊個都不可以誣蔑佢啊嘛！」馬化雲:「哎呀, 大家唔好咁勞氣, 佢都係被一時利益迷惑姐。」

記者A :「馬先生你真好大方, 我哋聽日嘅全港報紙頭條非你莫屬呀！」

(馬化雲聽到後嘴角喜上眉梢)

馬化雲 :「多謝咁多位嘅支持, 但係我哋呢D做環保嘅只求一心為地球付出, 不求利益。」

(馬化雲向保鏢打了個眼色, 然後保鏢走向前。)

保鏢 :「多謝各位傳媒百忙中抽空出席我哋UN集團嘅記者招待會, 但係快樂嘅時光總係過得好快, 我哋嘅招待會就差唔多完結啦, 請大家按照現場工作人員嘅指示, 慢慢退席, 再次多謝大家今日抽空來臨。」

(說完之後保鏢馬上打開門, 記者們也慢慢離開。)

## 第二場

時間 : 2018年12月1日星期六

地點 : 小黑屋

人物 :馬化雲(UN能源公司總裁)

黑喬 (環保團體女記者)

保鏢

「馬化雲找人綁架了黑喬, 要殺人滅口。」

( 當所有記者離場後, 黑喬獨自離開,她突然眼前一黑, 人醒後發現自己在一間小黑屋裏被綁手綁腳地困在一張椅子上)

黑喬(發現綁手綁腳加掙扎時) :「喂! 呢度係邊度! 有冇人啊! 有冇人喺度呀! 呢度係邊度呀! 放開我啊!」

( 這個時候保鏢突然推開了門, 陪同馬化雲一起進來。)

馬化雲 :「哎呀, 咁熟口面嘅, 噢~你咪就係頭先嗰個風頭躉,博攞彩嘅記者囉!」

( 馬化雲用手托起黑喬的下巴, 用另一隻手拍拍他的臉頰)

黑喬 :「呸! 你哋背後做手腳,天知地知,你良心都知! 你個個系統根本就無用, 我D資絕對唔會錯,我一定要公開! 唔好系度扮曬好人啦! 放開手呀!」

馬化雲 :「細佬, 醒啦, 就算你知又可以點呢? 依家D人都信曬我,我放咗你你咪壞我嘅好事, 但係,我唔會畀你咁容易死嘅, 我要令你生不如死, 痛苦不堪。」

(馬化雲甩開黑喬的臉, 綁著黑喬的橈因不平衡而側倒一旁, 黑喬瞪了瞪眼睛, 望著馬化雲大叫。)

黑喬(瘋狂地大喊並掙扎) :「點解! 點解你會知! 點解阿! 馬化雲你要名要利但冇左環境你咁多錢都冇用!」

馬化雲(得逞) :「你咁聰明, 點會唔知阿, 你咪估下咯?」

(黑喬呆了一下。)

黑喬(喃喃自語) :「……唔係, 肯定有人跟蹤我。」

黑喬(激動) :「唔係, 一定系你派人偷曬我D資料!」

黑喬(喃喃自語) :「錢, 系錢阿!」

(保鏢看了看手錶, 走到老闆隔壁。)

保鏢(低聲說) :「老細, 差唔多了。」

馬化雲 :「好。」(走向門口)

馬化雲 :「細路臨走前在醒多你一句環境啲嘢有冇都冇所謂 反正握喺手嘅錢嘢先係最重要,冇錢真係乜都冇啦到時候你仲會唔會同我講環境呀！」

(黑幕)

「砰！」(槍聲響起)

### 第三場

時間 :若干年後

地點 :UN能源公司

人物 :馬化雲(UN能源公司總裁)

袁記者

阿笨(助理)

報導員

「馬化雲受到市民指責並趁機向他們要求資金援助。」

(啖擦啖擦——相機聲)

(電視播映中,電視聲音混亂,社會播出社會不同人士的心聲)

報導員 :「近日天氣反復異常,氣溫持續上升並於近日最高錄得48.7度,預測未來一兩日會持續上升,而近期紫外線指數維持極高,厄爾尼諾現象惡化,部分地區出現嚴重乾旱。特別新聞報導:現時水資源缺乏,水的物價不斷上升,平均1ml水需要1000元。各大超市已出現搶水熱潮,各地水庫都出現供應不足嘅情況,市民都將矛頭直指UN能源公司總裁馬化雲先生,宜家等我地睇下佢對呢件事有咩看法。將時間交比身處系UN能源公司嘅袁記者。」袁記者:「我宜家系UN能源公司嘅總部大樓。我地有幸採訪到馬化雲總裁。馬總裁,水係 生命之源,宜家全球各地都發生唔同嘅極端天氣同埋水資源嚴重短缺嘅情況。社會各地都覺得系你嘅環保系統出現問題,你對呢個指控有咩睇法?」

馬化雲 :「對於近來出現嘅情況我深表痛心,我承認我地公司對於今次嘅事件需要負上責任,我地嘅系統已經開始跟唔上地球污染嘅惡化進度。但近日我地嘅科學家已經研發出另一套新嘅系統,並通過反覆實驗已證實呢個系統的確能延緩或緩和厄爾尼諾現象。但如果要全球推行,我地宜家無足夠嘅資金去實現。因此,希望大家能夠攜手合作,集資以幫助地球。我地會捐出大部分嘅水投放系災情特別嚴重嘅地區,無條件幫助大家,希望大家體恤同幫助我地嘅計畫順利進行。」

袁記者 :「多謝馬總裁百忙之中抽空接受我們嘅訪問,由於馬總裁工作繁忙,今次嘅訪問到此結束,再一次多謝馬總裁。等我地將時間交返俾新聞部。」報導員:「新聞報導完畢,再會。」

(馬化雲辦公室)

阿笨 :「波士波士,唔通我地真系要將我地水庫D水捐曬出去?宜家一支水可以賣到成萬蚊喔!你之前唔系話過要將D水留返俾自己用咩?」

馬化雲：「你傻嘅咩，D水梗系唔會捐曬出去啦。」

阿笨：「波士波士，但你之前唔系同記者講話會捐D水出去咩？」

馬化雲(恨鐵不成鋼)：「你系咪傻架，小財不出大財不入阿嘛，呢D咁簡單嘅道理你都唔明，枉你跟左我甘耐都學唔到野。唔信你睇下我地個個計畫嘅戶口，睇下Dmoney係唔系粍粍聲咁飄出黎？真系抵你叫阿笨！」

阿笨(撓頭)：「嘿嘿。」

#### 第 4場

時間：訪問後三天

地點：馬化雲家中

人物：馬化雲

阿笨

春嬌(馬化雲情人)

旺財(工人)

「馬化雲在家中的日常與春嬌相處的情況」

(叮嚕叮嚕叮嚕——快速的按門鈴聲)

春嬌 :「BB,你做咩咁耐先黎開門姐?」

馬化雲 :「BB乖啦,我都唔想架。邊個叫我地屋企咁大,我行過黎到要十分鐘。」

電視 :現時氣溫高達50度,紫外線指數爆高,係香港有紀錄以來首次錄得紫外線爆高呢個水平,政府呼籲市民提早買定糧食,無咩必要事就唔好系日間出門.....)

春嬌(撒嬌) :「BB呀,我好熱啊!」

馬化雲 :「唔緊要啦,宜家即刻開支阿爾卑斯山嘅冰水俾你飲好唔好?(即刻擰轉頭和工人說)旺財啊旺財!嗱嗱林擺支水比我BB飲啦!」

旺財 :「先生你系要阿爾卑斯山嗰支定系喜馬拉雅山嗰支礦泉水啊?」

馬化雲(生氣) :「你有冇聽我講啦!都話係阿!爾!斯!山!礦!泉!水!啊~!」

旺財 :「係嘅,主人,我即刻去擺!」

阿笨 :「波士波士,宜家D礦泉水成一萬蚊一支啲!」

馬化雲 :「唉!有咩關係姐,我BB身嬌肉貴點可以飲普通水,梗係要飲黎自阿爾卑斯山嘅礦泉水啦。」

阿笨 :「哦,係既波士!」

春嬌(撒嬌) :「BB啊我仲想浸埋泡泡浴啊!我已經十幾日剩係用蒸餾水沖涼啦!個浴缸咁大無得浸泡泡浴真係好浪費咯。」

馬化雲 :「得得得,我馬化雲有嘅係錢!點會要我BB受苦呢!我等陣就叫人擺200公升牛奶,俾你浸過美人浴好唔好?」

春嬌 :「都話我BB最叻嘅波士架啦。」

阿笨 :「美人浴好好玩?係我都想浸啊!波士!」

馬化雲 :「食憎左啊你!」

春嬌 :「BB呀,我唔止口渴,仲流晒汗添啊!點解咁熱仲唔開冷氣!」

馬化雲(生氣) :「旺財!仲唔去開冷氣?!」

旺財 :「呼呼,波士,已經開咗冷氣啦!」

(過咗一陣)

春嬌 :「BB,我都仲係覺得好熱呀!你望下出面個太陽幾大,分分鐘行出去一陣就變左黑人喇!」

馬化雲：「汪財，仲唔快d去開多幾部冷氣？」

助理：「但係波士，我哋已經開咗全屋一半嘅冷氣囉，再咁落去我哋有望突破上一個月五十萬電費嘅紀錄啦。」

馬化雲：「呵！區區五十萬電費有乜問題？你望下我個計劃個帳戶每個鐘都有成五百萬嘅收入，開一半冷氣唔夠涼，咪開曬全屋啲冷氣囉！」

旺財：「係嘅主人，我宜家即刻去開曬全屋嘅冷氣。」

春嬌：「BB，你真係對我好嘅啫，而家真係變得好涼好舒服呀！」

(又過多一陣突然拍的一聲全屋突然黑曬，所有電器停電。)

春嬌：「BB，我好驚訝點解會黑曬，啲冷氣突然唔著嘅！」

馬化雲：「傻豬嚟嘅跳掣咋嘛有咩好驚㗎～」(一邊撫摸著春嬌的頭，一邊說)

馬化雲：「旺財仲唔去開番個電掣！」

旺財：「係嘅主人。」

(拍的一聲，全屋重返光明。)

春嬌：「哎呀BB，你真係好勁啊，咁都知道係電掣熄咗，咦～但係啲冷氣點解唔著嘅好熱呀B～B～」

馬化雲：「旺財仲唔去」

旺財：「係嘅主人。」

(旺財馬上跑開修理冷氣)

旺財：「咦，奇怪啦，點解拍極都唔著嘅？明明已經開咗電掣個囉㗎。」(剛才望著冷氣撓撓頭。)

(然後又馬上跑回去找馬化雲。)

旺財：「主人點解開唔著冷氣嘅？我明明已經開曬電掣，但係開極都開唔著㗎。」

馬化雲：「咁仲唔call師傅嚟整冷氣。」

旺財：「主人，唔係我唔要師傅嚟整冷氣呀而係天氣咁熱冇師傅肯出街整冷氣呀。」

春嬌：「吓，咁點算呀？我會唔會喺度熱死？」

馬化雲：「傻豬黎嘅，我點捨得讓你死呢？BB睇下plan B啦。旺財，仲唔開冰庫？」

旺財：「係，主人。」

(旺財馬上帶一行人進入地下冰庫)

春嬌 :「嘩！估唔到BB你咁深藏不露，居然有個地下冰庫仲設備齊全有齊曬所有嘢，你真係好鬼叻嘅啫～」

(又過咗一陣之後)

春嬌 :「嘩！BB點解個屋頂滴水嘅？」

馬化雲 :「旺財,發生咩事?快啲搞掂佢。」

旺財 :「主人,照我估計應該係冰庫太熱開始溶化啦。」

春嬌 :「下咁點算呀?唔係要喺屋企擔遮呀嘛?」

馬化雲 :「唔使擔心,我哋直接去又冰又涼嘅地方咪得囉。」

全部人 :「吓?咁即係邊?」

馬化雲 :「我哋直接搭飛機去北極咪得囉！」

阿笨 :「波士真係好聰明啊！但係波士,我哋北極個邊基地嘅污染好似已經令個哋冰開始融化了喔？」

馬化雲 :「有咩關係姐,去唔到北極咪去南極咯,死蠢！」

阿笨 :「波士真係聰明！」

春嬌 :「我BB聰明洗你話?mua～BB真係聰明架姐～」

馬化雲 :「梗係啦,唔係我點會做到宜家呢個地位,為左BB嘅幸福,唔聰明啲點得咧？」

春嬌 :「BB對我真係好～咁快啲搭飛機去北極啦,我就黎熱死啦～」

馬化雲 :「即刻去開我哋嘅私人飛機啦！」

旺財 :「波士,聽講那邊空氣比較稀薄,要唔要買翻幾個氧氣罐？」

馬化雲 :「梗係要拉,執埋啲野過去啦,醒目少少好冇？」

旺財 :「係！」

## 第五場

時間 : 幾日後

地點 : 北極

人物 : 馬化雲

春嬌

阿笨

旺財

富人ABCD

「馬化雲為了生存，為了物質，不顧他人，最後自盡而亡。」

(馬化雲等人到達北極)

阿笨 : 「哎呀，千辛萬苦終於到啦，真係涼爽啊。波士聰明，咁都比你唸到！」

馬化雲 : 「得啦，唔好擦鞋啦，快啲啦啦林執好啲野啦，我哋要係到長住架。」

旺財 : 「係嘅，波士。但我哋可以住的幾耐啊，啲冰好似都融的幾快下喔。」

春嬌 : 「你唸咁多做咩姐，活在當下啊，明唔明啊，到時bb一定有佢嘅安排～，係唔係啊bb～」

馬化雲 : 「都係我BB明白我！」

阿笨 : 「波士波士，啲氧氣罐裝好啦，快啲戴上去啦。」

旺財 : 「但呢地氧氣罐夠我哋用幾耐呢？」

馬化雲 : 「嗯.....保障起見，去陸地搬多機箱氧氣罐先啦。真系啊，上飛機之前又唔提，宜家又要走多轉，麻鬼煩。」

阿笨 : 「系嘅！」

(阿笨嘗試開啟飛機)

阿笨 :「波士波士, 弊啦, 冇晒燃油啦! 點算好啊, 唔通我哋要留係度成世?」

(馬化雲思索了一下)

馬化雲 :「唔緊要啦, 北極咁多天然資源, 隨便行下就會有架啦。阿笨旺財, 你地去睇下附近有冇咩沒開發嘅資源或者上幾次研究人員漏低嘅燃油等等。」

阿笨 :「係嘅, 波士!」

旺財 :「好。」

(他們走後)

馬化雲 :「BB, 快啲, 我哋快啲離開呢度。」

春嬌 :「哈? 點解啊BB, 唔係要等佢地翻黎咩?」

馬化雲 :「北極鬼有咩資源咩, 冇都俾人開發得七七八八啦, 佢地都唔係點整嘅啦。前半世都益左佢地好多啦, 連成萬蚊嘅水都分比佢地飲啱, 都算待佢地不薄啦。宜家生死關頭, 係時候付出翻少少啦。我哋得咁少氧氣罐, 慳得就慳啦。」

春嬌 :「哈, BB, 咁樣, 係咪……」

馬化雲 :「係咪唔好? BB你都想我哋長長久久嘅嘛?」

春嬌 :「……咁好啦。」

(他們拖着裝有日用品以及氧氣的車子)

春嬌 :「BB, 好叻啊, 咦? 前面好似有人啱, BB我哋去睇下啦。」

(拉着馬化雲跑了起來)

馬化雲 :「欸? 老兄, 你哋都係度嘅?」

富人A :「呸, 如果唔係你我哋點會係度?」

富人B :「呵, 宜家全世界都知你個個系統係假嘅啦, 厄晒人哋D錢去嘆世界? 都幾醒啊。」

富人C :「講咁多做咩啊, 快啲睇下佢身上有冇野食氧氣之類嘢啦。」

春嬌 :「BB……我哋……」(懦弱)

馬化雲 :「呵, 你以為我會咁蠢帶晒嘢黎見你? 係咪傻啊。我帶晒我哋保鏢黎呢度視察下環境姐, 不過睇落呢度幾好啊, 可以考慮下起下樓長住先, 橫點我咁多錢。」

富人B :「你唔要面啊！咁都有，郁手啦兄弟，我唔想再忍佢啦！」

富人A :「冷靜地，宜家我地冇幾多氧氣罐了，佢仲有保鏢，我哋抽唔過架。」

富人C :「快啲走啊唔好逼我哋郁手！」

馬化雲 :「哈哈，咪睇下你地有冇呢個能力咯。」(邊笑邊走)

春嬌 :「BB，你真係好犀利啊，好彩有你啊。啊！我哋地氧氣喇？」

馬化雲 :「真係冇記性，頭先你拉得我咁急，都唔記得擺，好彩冇擺，唔係就大鑊啦，走啦，去擺翻啲野行另一條路。」

春嬌 :「BB真係好聰明啊，冇咗你我都唔知點算～」

(過了幾個月)

春嬌 :「BB，點算啊，氧氣罐得翻十幾樽了喔，唔通我哋就咁玩完了咩？！」

馬化雲 :「咁係唔會啦BB，你玩完姐，但我未啊嘛，BB，睇黎我哋嘅緣分淨係可以來世再續啦。你都想我過得d好架嘛，BB，你係時候犧牲下啦。」(溫柔)

春嬌 :「你……你……你咩意思啊，你點可以咁對……啊！」(驚恐)

(春嬌的頭被馬化雲扭推到在水中，掙扎片刻便了無生息)

馬化雲 :「春嬌阿春嬌！我都算待你不薄啊，比你陪到我最後，係你嘅榮幸黎架。」(自言自語)

(過左幾個星期)

馬化雲 :「點解，點解一個人都有，人都去晒邊度啊！好無聊啊，冇電視冇遊戲，連個人都有！唉，算啦，留翻條命都已經好好啦。」

(走着走着，見到兩個具屍體)

馬化雲 :「呢兩個……欸，咪係旺財同阿笨咯。睇黎佢地係因為冇晒氧氣死左。呢個世界無錢就無生存的權利，適者生存,安息啦。」

(走着走着，看見當初聚集富人的地方)

馬化雲 :「冇理由架！你地明明咁有錢，點解仲會死？！係咪傻啊，全部人分咁DD氧氣，邊度夠啊，比晒同一個人用仲好過！」

(又過了幾日)

馬化雲：「點解……點解啊！點解咁大個北極，都冇人！我……我係冇錯架！地球啲資源本身就係比人類用嘅嘛，我只不過係物盡其用咋嘛，我冇錯！係！我絕對唔會有錯！」

（又過了幾日）

馬化雲：「生命會完結，人類遲早會絕滅，點解唔追求物質？冰落蒼穹盡，我……係咁架……」（聲音隨著拔掉氧氣罐變得越黎越小）

（馬化雲死）

完結